



Plattdeutsche Wochen

MECKLENBURG-VORPOMMERN

Ankündigung (Pressemitteilung)

Plattdüütsche Wochen in Mäkelborg-Vörpommern

Upraup tau dei 3. Plattdüütschen Wochen von'n 28. Maimånd* bet taun 18. Rosenmånd 2023**

Dei Heimatverband MV e.V. wennt sik an Krings, Verbänn', Schaulen, Kommünen, Medien un Künstler/innen un all, dei Frünn' von uns plattdüütsche Språk sünd, bi dei 3. Plattdüütschen Wochen (Wäken) mittaumåken. Schirmherrin in dit Johr is wedder dei Lannesmudder Manuela Schwesig.

Schnacken Sei ok Platt?

Wenn, denn måken's mit un posaunen ehr Infäll up lütte un grote Tausåmenkünft as 'n plattdüütsche Läsung, 'n Theaterspill orrer 'n musikalisch Programm ut. Versåuken's, as Gåsteföhrrer in'n Mesuem orrer in'n Urt up Platt ehr Anliggen tau verklören, måken's in Apteieken un bi'n Horschnieder Reklåme up Platt.

Hemm's kein Bang, Platt tau schnacken!

Schnacken's einfach mål Platt, up'e Stråt un bi'n Diskaunter, up't Amt un inne Schaul, in't Ollenhus un inne Spålschaul, tau Hus mit Fomilie un Bekannten. Daun wi all tausåmen dat Nödige, dat uns Mudderspråk œwerall lud tau hüren is un språken ward!



Plattdeutsche Wochen

MECKLENBURG-VORPOMMERN

Disse Beläwnisse sünd all wiß:

- An'n 31. Maimånd finnt dei fierliche Uptakt mit 'n Vödrach von PD Dr. Klaas Hinrich Ehlers vonne FU Berlin in't Krupp-College Griepswold statt. Disse Vödrach is Deil von'n Fachünnerhollung, dei dei Kring för Nedderdütsche Språkünnersäukungen in Tausåmenarbeit mit dat Kompetenzzentrum Nedderdütsch vonne Uni Griepswold un denn Heimatverband MV afhöllt.

- An'n 4. Rosenmånd finnt taun 9. Mål dei Plattdütsche Bäukerdach in'n Botan'schen Gorn vonne Uni Rostock statt. Plattdütsche Verlage stellen ehr Såken för Grot un Lütt vör, up zwei Bühnen giff dat Ünnerhollungsprogramme, dat plattdütsche Wurt 2023 ward utposaunt. Organisiert ward disse Bäukerdach von'n Botan'schen Gorn, denn Frünkring von Botan'schen Gorn, denn Kring „Klönschnack Rostocker 7“ un denn Heimatverband MV.

- Von'n 5. bet 10. Rosenmånd finnt in Griepswold dat „Festival up Platt“ mit dat Figurentheater un anner int'ressante Veranstaltungen satt. Taustännig sünd hierfür dei Lannesberband vonne frien Theater, dat Soziokulturell Zentrum St. Spiritus, dat Kompetenzzentrum Nedderdütsch un dei Heimatverband MV.

- An'n 11. Rosenmånd giff dat in Döms denn 17. Nuurdütschen Dach vonne Kunsthandwerker un äbenso dat ein un anner Programm up Platt.

Mit denn „Reuterschen Sünndachsspaziergang“ an'n 18. Rosenmånd gahn dei Plattdütschen Wochen 2023 tau Enn'.

Henwies tau Mitmäken finnen's in'n „virtuell Kråmkist“ up'e Websied von'n Heimatverband MV: www.heimatverband-mv.de. Dor finnen's ok dat Logo un Vörlagen för Plakate, Visitenkarten mit wichtige plattdütsche Wür in'n Olldach un noch anner Såken. In denn „Atlas Nedderdütsch“ up uns Internetsied finnen's Autoren/innen un Künstler/innen, dei's för plattdütsche Veranstaltungen inlāden kōenen. Up uns plattdütsch Sied giff dat int'ressante Filme, Hörbäuker un Audiobidrääch. Näbenbi



Plattdeutsche Wochen

MECKLENBURG-VORPOMMERN

bemerkt, dei digitalen Angebote as Vödrääch un Wiederbillungen dörch Videokonferenzen sallen taunähmen un 'n noch grötttere Rull spälen.

Lätens uns taukåmen, wat 's sik vörnähmen hemm'. Wi setten denn allens up uns Websied „Akschonon un Belåwnisse inne 3. Plattdütschen Wochen“ in't Nett, dormit all dei bunte plattdütsche Landkort von MV seihn kœnen.

Plattdüsch läwt, wenn't ok schnackt ward!

Bi Frågen an'n Heimatverband MV wennen's sik an: Anne-Christin-Boll, Geschäftsführerin, Tel.: 0385 5777 3711, Mail: geschaeftsstelle@heimatverband-mv.de.

Dei Plattdütschen Wochen kriegen 'n Tauschuss von't Ministerium för Weitenschap, Kultur, Bunnes- un Europaangelågenheiten Måkelborg-Vörpommern.

*Maimånd - Monat Mai

** Rosenmånd – Monat Juni

Up Platt hett dat Behrend Böckmann för uns måkt. Von Harten Dank.

**Schnacken Sei
ok Platt?!**